

**Naaja H. Nathanielsen
attaviitsoq**

UPA2016/73
4. maj 2016

Kalaallit Nunaanni Inatsisartunut qinersisarneq pillugu Inatsisartut inatsisaata allanngortinneqarnissaa pillugu Naalakkersuisut UPA 2017-imut suliniuteqaqqullugit Inatsisartut aalajangiiffigisassaattut siunnersuut. Taamaaliornikkut inatsisartunut qinersinissaq tullesq nallertinnagu Avanersuup, Ittoqqortoormiit-Illu immikkut inatsisartunut qinersiveqalernissaat qulakkeersinnaaqqullugu. (Inatsisartunut ilaasortaq Anthon Frederiksen, Partii Naleraq))

1998-imi qinersiviit siusinnerusukkut arfineq pingasuusimasut ataasiinnanngortinneqarput. Allannguinerlut tunngavigineqarpoq Inatsisartut sulineranni nuna tamakkerlugu sulissineq piorsarneqarniarlut. Allannguinerulli kingornani Inatsisartuni arlaleriarluni oqallittoqartarpoq qinersiviup ataasiinnanngorsimaneranik apeqquusiisunik.

Kalaallit Nunaanni Namminersorneq pillugu isumalioqatigiissitap isumaliutissiisummini, aprilimi 2003-mi saqqummiunneqartumi qinersiviit arlalinngorteqqinnissai eqqarsaatersorfigivai, taamatut isumaliornerlut tunngaviuvoq isumaqartoqarmat, inatsisiliorfik ilaasortaqarnermigut sumiiffinnit tamanit sapinngisaq naapertorlugu ilaasortaqartariaqartoq, tassami inoqarfinni inukinnerusuneersut Inatsisartunut ilaasortanngorsinnaanerlut ajornarnerummat.

Upernaakkut ataatsimiinnermi 2005-imi Inuit Ataqtigiit siunnersuutigivaat nunarput inatsisartunut qinersivinnut arlalinlut avinneqaqqissasoo. Inatsisartut taamani aalajangerput Aaqqissuussaanerlut Isumalioqatigiissitap suliaa utaqqeqaarniarlugu, inatsisartunut qinersiviit aggorneqarnissaanik suliap ingerlateqqinnginnerani.

Ukiakkut ataatsimiinnermi 2007-imi Kattusseqtigiit Partiiata maanna Parti Naleqqamit siunnersuutigineqartoq siunnersuutigivaa. Taamanili saqqummiunneqarmat Inatsisartuni amerlanerussuteqartunit itigartitsissutigineqarpoq.

Ukiakkut ataatsimiinnermi 2011-mi maanna allannguutissasut siunnersuutigisara siunnersuutigaara. Taamani naalakkersuisunit tapersersorneqarpoq, kisiannili peerneqarluni akerliusut tapersersuisullu amerlaqtigiimmata. 13-nit tapersersuisut 13-nit akerliusut.

Isumaqarpunga allannguutissatut siunnersuutiga Parti Naleqqamit siunnersuutaasumit ingerlariaqqittoq. Isumaqarpunga qinerseriaaseq sorleq nunatsinni atussallutigu

**Naaja H. Nathanielsen
attaviitsoq**

oqaluuserininnissatsinnut tunngavissaqartugut, taamaattumik una allannguutissatut siunnersuut saqqummiuppara:

Qinersisarnermut inatsisip atuuttup ingammik qinersiviup ataasiinnaalersimaneranut tunngatillugu inuit tamat oqartussaaqataanerannut tunngatillugu naleqquttuunersoq Naalakkersuisut 2016 naatinngu misissueqqissaaqqullugit peqquneqarnissaat siunertaralugu Inatsisartut aalajangiiffigisassaattut siunnersuut.

Tamassuma kingorna Inatsisartut nunatsinni innuttaasut inoqarfinni assigiinngitsuni najugaqarnerat nunallu immiini pissusaa aallaavigalugu, qinerseriaaseq sorleq tulluunnerpaanersoq tunngaviusumik oqalliserisariaqarpaat.